

山水诗句

1. 中有万里之长江，回风滔日孤光动。——杜甫《王兵马使二角鹰》
2. 建德知何在，长江问去程。——刘长卿《按覆后归睦州，赠苗侍御》
3. 洞庭春晚，旧传恐是，人间忧物。——辛弃疾《念奴娇·洞庭春晚》
4. 山无陵，江水为竭。冬雷震震，夏雨雪。天地合，乃敢与君绝。——佚名《上邪》
5. 洞庭仙山但生橘，不生凡木与梨栗。——皎然《洞庭山维谅上人院阶前孤生橘树歌》
6. 半卷红旗临易水，霜重鼓寒声不起。——李贺《雁门太守行》
7. 潜虬媚幽姿，飞鸿响远音。薄霄愧云浮，栖川怍渊沈。进德智所拙，退耕力不任。狗禄反穷海，卧疴对空林。衾枕昧节候，褰开暂窥临。倾耳聆波澜，举目眺岖嵌。初景革绪风，新阳改故阴。池塘生春草，园柳变鸣禽。祁祁伤豳歌，萋萋感楚吟。索居易永久，离群难处心。持操岂独古，无闷征在今。——谢灵运《登池上楼》
8. 鹤外唐来有谪星，长江东注冷沧溟。——李洞《过贾浪仙旧地》
9. 水宿烟雨寒，洞庭霜落微。——王昌龄《太湖秋夕》
10. 洞庭白波木叶稀，燕鸿始入吴云飞。——李白《临江王节士歌》

11.山不厌高，海不厌深。——曹操《短歌行》

12.积雨悲幽独，长江对别离。——刘长卿《雨中过员稷巴陵山居赠别》

13.远看山有色，近听水无声。——王维《画》

14.

金蕉叶，银萼花，卷长江酒杯低亚。——卢挚《双调·寿阳曲·银台烛·金》

15.

尘愁老来颜，久与江山隔。逍遥澄湖上，洗眼见秋色。凉波弄轻棹，湖月生远碧。未减遥客情，西望杳何极。——李群玉《洞庭遇秋》

16.此地何时，长江自古流。——皇甫冉《同樊润州游郡东山》

17.

向晚意不适，驱车登古原。夕阳无限好，只是近黄昏。——李商隐《乐游原》

18.

湖光秋月两相知，潭面无风镜未磨。遥望洞庭山水翠，白银盘里一青螺。——刘禹锡《望洞庭》

19.

雾云疏有叶，雨浪细无花。稳放扁舟去，江天自有涯。——钱起《江行无题》

20.陶家习先隐，种柳长江边。——刘慎虚《浔阳陶氏别业》

21.

举头西北浮云，倚天万里须长剑。人言此地，夜深长见，斗牛光焰。我觉山高，潭空水冷，月明星淡。待燃犀下看，凭栏却怕，风雷怒，鱼龙惨。峡束苍江对起，过危楼，欲飞还敛。元龙老矣！不妨高卧，冰壶凉

簟。千古兴亡，百年悲笑，一时登览。问何人又卸，片帆沙岸，系斜阳缆？——辛弃疾《水龙吟·过南剑双溪楼》

22.洞庭芳草遍，楚客莫思归。——卢纶《春江夕望》

23.洞庭秋欲雪，鸿雁将安归。——杜甫《北风》

24.

欲寄彩笺兼尺素，山长水阔知何处。——晏殊《蝶恋花·槛菊愁烟兰泣露》

25.河海不择细流，故能就其深；——李斯《谏逐客书》

26.晨昏滚滚水东流，今古悠悠日西坠。——钱福《明日歌》

27.明日隔山岳，世事两茫茫。——杜甫《赠卫八处士》

28.

笔下江山取意成，一峰未尽一峰生。凭谁试向行人问，水郭烟村第几程。——李俊民《江山图》

29.寒雨连江夜入吴，平明送客楚山孤。——王昌龄《芙蓉楼送辛渐》

30.事往岁月积，长江依旧清。——张嶮《游独孤城下作》

31.四十年来家国，三千里地山河。——李煜《破阵子·四十年来家国》

32.近水楼台先得月，向阳花木易为春。——苏麟《断句》

33.

故人西辞黄鹤楼，烟花三月下扬州。孤帆远影碧空尽，唯见长江天际流。——李白《黄鹤楼送孟浩然之广陵》

34.

木落雁南度，北风江上寒。我家襄水曲，遥隔楚云端。乡泪客中尽，孤帆天际看。迷津欲有问，平海夕漫漫。——孟浩然《早寒江上有怀》

35.

云间铁瓮近青天，缥缈飞楼百尺连。三峡江声流笔底，六朝帆影落樽前。几番画角催红日，无事沧州起白烟。忽忆赏心何处是？春风秋月两茫然。——米芾《望海楼》

36.

太乙近天都，连山到海隅。白云回望合，青霭入看无。分野中峰变，阴晴众壑殊。欲投人处宿，隔水问樵夫。——王维《终南山》

37.扬子江头几问津，风波如旧客愁新。——张弼《渡江》

38.

凉风吹夜雨，萧瑟动寒林；正有高堂宴，能忘迟暮心。军中宜剑舞，塞上重笳音；不作边城将，谁知恩遇深！——张说《幽州夜吟》

39.

一席清风游子归，扁舟轻逐浪痕西。濁醪满饮诗情快，尽揽江山入醉题。——廖行之《舟中风便》

40.

清霜洞庭叶，故就别时飞。——杜甫《送卢十四弟侍御护韦尚书灵柩归上都二十韵》

41.日日思君不见君，共饮长江水。——李之仪《卜算子·我住长江头》

42.白日登山望烽火，黄昏饮马傍交河。——李颀《古从军行》

43.

故人杳杳，长江风送，听胡笳沥沥声韵聒。——白朴《小石调·恼煞人》

44.明到衡山与洞庭，若为秋月听猿声。——王维《送杨少府贬郴州》

45.

天寒欲与人同醉，安得长江化浊醪？——陆游《对酒·老子不堪尘世劳》

46.

白水连天暮，洪波带日流。风高云梦夕，月满洞庭秋。沙上渔人火，烟中贾客舟。西园与南浦，万里共悠悠。——李端《宿洞庭》

47.

东西南北各连空，波上唯留小朵峰。长与岳阳翻鼓角，不离云梦转鱼龙。吸回日月过千顷，铺尽星河剩一重。直到劫馀还作陆，是时应有羽人逢。——曹松《洞庭湖》

48.

东皋薄暮望，徙倚欲何依；树树皆秋色，南山惟落晖。牧人驱犊返，猎马带禽归；相顾无相识，长歌怀采薇！——王绩《野望》

49.

平林漠漠烟如织，寒山一带伤心碧。——李白《菩萨蛮·平林漠漠烟如织》

50.此身行作稽山土，犹吊遗踪一泫然。——陆游《沈园二首》

51.世事漫随流水，算来一梦浮生。——李煜《乌夜啼·昨夜风兼雨》

52.洞庭犹在目，青草续为名。——杜甫《宿青草湖》

53.男儿何不带吴钩，收取关山五十州。——李贺《南园十三首·其五》

54.晓入洞庭阔，暮归巫峡深。——杜牧《云》

55.

高卧洞庭三十春，芰荷香里独垂纶。莫嫌无事闲销日，有事始怜无事人。
。——来鹄《洞庭隐》

56.

义公习禅处，结构依空林。户外一峰秀，阶前群壑深。夕阳连雨足，空翠落庭阴。看取莲花净，应知不染心。——孟浩然《题大禹寺义公禅房》

57.三十三年，今谁存者，算只君与长江。——苏轼《满庭芳·过余》

58.长江无六月，大地绝纤埃。——苏洵《长江二首·其二》

59.

春花秋月何时了？往事知多少。小楼昨夜又东风，故国不堪回首月明中。雕栏玉砌应犹在，只是朱颜改。问君能有几多愁？恰似一江春水向东流。——李煜《虞美人·春花秋月何时了》

60.石鱼湖，似洞庭，夏水欲满君山青。——元结《石鱼湖上醉歌》

61.兴来逸气如涛涌，千里长江归海时。——李颀《放歌行答从弟墨卿》

62.昔闻洞庭水，今上岳阳楼。——杜甫《登岳阳楼》

63.

昔在九江上，遥望九华峰。天河挂绿水，秀出九芙蓉。——李白《望九华赠青阳韦仲堪》

64.

锦字亲裁，泪巾偷裹，细说旧时。记笑桃门巷，妆窥宝靥，弄花庭前，香湿罗衣。几度相随游冶去，任月细风尖犹未归。多少事，有垂杨眼见，红烛心知。如今事都过也，但赢得、双鬓成丝。叹半妆红豆，相思有分，两分青镜，重合难期。惆怅一春飞絮，梦悠飏教人分付谁。销魂处，又梨花雨暗，半掩重扉。——程垓《洞庭春色/沁园春》

65.

洞庭波浪渺无津，日日征帆送远人。几度木兰船上望，不知元是此花身。
——陆龟蒙《木兰堂》

66.

苍苍森八桂，兹地在湘南。江作青罗带，山如碧玉簪。户多输翠羽，家自种黄甘。远胜登仙去，飞鸾不假骖。
——韩愈《送桂州严大夫同用南字》

67.漂泊日复日，洞庭今更秋。——刘长卿《上湖田馆南楼忆朱宴》

68.庭前落尽梧桐，水边开彻芙蓉。——朱庭玉《天净沙·秋》

69.

空江浩荡景萧然，尽日菰蒲泊钓船。青草浪高三月渡，绿杨花扑一溪烟。
情多莫举伤春目，愁极兼无买酒钱。犹有渔人数家住，不成村落夕阳边。
——许棠《洞庭湖》

70.

八月湖水平，涵虚混太清。气蒸云梦泽，波撼岳阳城。欲济无舟楫，端居耻圣明。
坐观垂钓者，徒有羡鱼情。——孟浩然《临洞庭》

71.

两岸猿声啼不住，轻舟已过万重山。——李白《早发白帝城/白帝下江陵》

72.春水春来洞庭阔，白苹愁杀白头翁。——杜甫《清明二首》

73.余霞散成绮，澄江静如练。——谢朓《晚登三山还望京邑》

74.湖经洞庭阔，江入新安清。——孟浩然《经七里滩》

75.

花自飘零水自流。一种相思，两处闲愁。——李清照《一剪梅·红藕香

残玉簫秋》

76.

橫看成嶺側成峰，遠近高低各不同。不識廬山真面目，只緣身在此山中。
。——蘇軾《題西林壁》

77.江送巴南水，山橫塞北雲。——王勃《江亭夜月送別二首》

78.江畔何人初見月？江月何年初照人？——張若虛《春江花月夜》

79.水急客舟疾，山花拂面香。——李白《秋浦歌十七首》

80.

峨眉山月半輪秋，影入平羌江水流。夜發清溪向三峽，思君不見下渝州。
。——李白《峨眉山月歌》

本文鏈接：<https://duanjuziku.com/duanjuzi/rioswzqyhn.html>